

20192614040

L I G J
PËR HUAMARRJE TË REPUBLIKËS SË MAQEDONISË SË VERIUT TE BANKA
KREDITORE PËR RINDËRTIM - KfV SIPAS MARRËVESHJES PËR HUA PËR
FINANCIM TË PROGRAMIT PËR UJITJE TË MAQEDONISË SË VERIUT

Neni 1

Republika e Maqedonisë së Veriut merr hua te Banka Kreditore për Rindërtim - KfV në shumë prej 80 000 000 euro, të dedikuar për financim të Programit për ujitje të Maqedonisë së Veriut.

Neni 2

Kushtet dhe mënyra e shfrytëzimit të huasë nga neni 1 i këtij ligji, përcaktohen me Marrëveshje për hua, që do të lidhet ndërmjet Republikës së Maqedonisë së Veriut dhe Bankës Kreditore për Rindërtim - KfV.

Në emër të Republikës së Maqedonisë së Veriut, Marrëveshjen për hua nga paragrafi 1 i këtij neni do ta nënshkruajë ministri i Financave.

Neni 3

Afati për pagesë të huas nga neni 1 i këtij ligji është 15 vite, me grejs periudhë të përfshirë prej pesë vitesh.

Shkalla e kamatës do të përcaktohet veçmas për secilën transhe të huas gjatë tërheqjes së saj.

Gjatë tërheqjes së secilës transhe llogaritet shkalla mesatare e kamatës e ponderuar dhe e njëjta do të zbatohet në shumën e tërhequr të huas.

Republika e Maqedonisë së Veriut do t'i paguajë Bankës Kreditore për Rindërtim - KfV provizion të njëfishtë në lartësi prej 0,75 % të shumës së huas.

Republika e Maqedonisë së Veriut do t'i paguajë Bankës Kreditore për Rindërtim - KfV provizioni prej 0,10% të pjesës së patërhequr të huas nga muaji i gjashtë deri në muajin e 24-të nga data e lidhjes së Marrëveshjes për hua. Për periudhën e mbetur deri në tërheqjen e plotës të mjeteve të huas, Republika e Maqedonisë së Veriut do t'i paguajë Bankës Kreditore për Rindërtim - KfV provizion në lartësi prej 0,25% të pjesës së patërhequr të huas.

Provizioni nga paragrafi 4 i këtij neni do të paguhet në gjysmë viti.

Neni 4

Shfrytëzues i mjeteve të huas nga neni 1 i këtij ligji është Ministria e Bujqësisë, Pylltarisë dhe Ekonomisë së Ujërave.

Neni 5

Republika e Maqedonisë së Veriut kredinë nga neni 1 i këtij ligji do ta paguajë nga Buxheti i Republikës së Maqedonisë së Veriut.

Neni 6

Ky ligj hyn në fuqi në ditën e botimit në „Gazetën Zyrtare të Republikës së Maqedonisë së Veriut“.